



朱子大全卷之一

詞

虞帝廟迎送神樂歌詞

桂林郡虞帝廟迎送神樂歌者新安朱熹之所作也熹既
為太守張侯杖紀其新宮之績又作此歌以遺桂人使聲
于廟庭侑牲璧焉其詞曰皇胡為兮山之幽翳長薄兮俯
清流渺冀州兮何有眷茲土兮淹留皇之仁兮如在子我
名兮不窮以愛沛皇釋兮橫流暢威靈兮無外潔尊兮肥
俎九歌兮招舞嗟莫報兮皇之祐皇欲下兮儼相羊烈風
雷兮暮雨

右迎神三章二章四句一章五句

虞之陽兮離之許皇降集兮巫屢舞桂酒湛兮瑤觴皇之
歸兮何許龍駕兮天門羽旌兮繽紛俯故宫兮一慨越宇
宙兮無隣無隣兮柰何七政協兮羣生嘉信玄功兮不宰
猶彷彿兮山阿

右送神三章章四句

賦

白鹿洞賦

白鹿洞賦者洞主晦翁之所作也翁既復作書院洞中又
賦其事以示學者其詞曰

承后皇之嘉惠宅廬草之南畝閔原由之告病惕農菑之
非良粵冬孟之既望夙余駕乎山之塘徑北原以東驚陟

李氏之崇岡

地名李

揆厥號之所繇得頽址於榛荒曰昔

山人之隱處

今永久而流芳

陳舜俞廬山記云唐李渤

洞後為江州刺史乃即洞創臺榭

衆以流水雜植花木為一時之勝

自昇元之有土始變塾

而為庠儼衣冠與弦誦紛濟濟而洋洋

廬山記又云南唐

為洞主掌其教授江南野史亦云當時謂之白鹿國庠在

叔季而且然矧休明之景運皇穆穆以當天一軌文而來

混念敦篤於化原乃搜剔乎遺跡盼黃卷以置郵廣青衿

之疑問樂菁莪之長育拔雋髦而登進

謹按國朝會要太

年以洞主明起為蔡州襄信主簿旌儒李滌卿拔也

照於咸平又增修而罔倦

廬山記又云咸平五年

家旋錫

冕以華其煇琛亦肯堂而詒孫

直史館孫冕以疾辭于朝

直史館孫冕以疾辭于朝

年以洞主明起為蔡州襄信主簿旌儒李滌卿拔也

廬山記又云咸平五年

家旋錫

照於咸平又增修而罔倦

廬山記又云咸平五年

家旋錫

冕以華其煇琛亦肯堂而詒孫

直史館孫冕以疾辭于朝

直史館孫冕以疾辭于朝

願得白鹿洞以歸老詔從之晁未久歸而卒皇祐五年其
子比部郎中探即李之故址為屋榜曰書堂俾子弟居而
孝焉四方之士來者亦給其食盧山記熙悵茂草於熙寧尚茲今其奚論寧中作已
云鞠為夫既啓余以堂壇友又訂余以冊書尋訪之初得
茂草矣夫既啓余以堂壇友又訂余以冊書熈者指告其
處客揚方子直遂贊興作之謀既謂此前脩之迹復關
我聖之宏撫亦既震于余衷乃謀度而咨詠尹悉心以綱
紀吏竭蹶而奔趨士釋經而敦事工殫巧而獻圖曾日月
之幾何屹履屋之渠渠事具呂祖謙伯山葱壠而迺舍水
恭所作書院記汨競而循除諒昔人之樂此羗異世而同符偉章甫之峩
峩抱遺經而來集豈顙眺聽之為娛實顙官墻之可入愧
余脩之不敏何子望之能給知道體之亡窮又豈一言而
可緝請姑誦其昔聞庶有關於時習曰明誠其兩進抑敬

義其偕立允莘摯之所懷謹恭顏之攸執彼青紫之勢榮
亦何心乎悅拾亂曰澗水觸石鏘鳴璆兮山林萃尊枝相
樛兮彼截以脩息且游兮德隆業茂聖澤流兮往者弗及
余心憂兮來者有繼我將焉求兮

感春賦

觸世塗之幽險兮覽余轡其安之慨埋輪而繫馬兮指故
山以為期仰皇鑒之昭明兮眷余衷其猶未替抑重巽於
既申兮徇耕野之初志自余之既還歸兮畢歲英而發春
潛林廬以靜處兮間蓬戶其無人披塵編以三復兮悟往
哲之明訓嗒掩卷以忘言兮納遐情於方寸朝吾疑履而
歌商兮夕又賡之以清琴夫何千載之遙遙兮乃獨有會

於余心忍嚶鳴其悅豫兮仰庭柯之葱蒨悼芳月之既徂
兮思美人而不見彼美人之脩嫿兮超獨處乎明光結丹
霞以為綬兮佩明月而為璫悵佳辰之不可再兮懷德音
之不可忘樂吾之樂兮誠不可以終極憂子之憂兮孰知
吾心之永傷

空同賦

何孟秋之玄夜兮心慘戾而弗怡偃予軀之既寧兮神杳
杳兮寒閨雲屋掩而弗肩兮壁帶耿而夜光宕予晷而不
得視兮悵竚立其怔營靈脩顧予而一笑兮惟並坐之從
容寐將分而不忍兮且欲往而焉從眷予衷之廓落兮奄
愁結而增忡超吾升彼崑崙兮路脩遠而焉窮忽憑危以

臨眺兮歲廣寒與閨平風信真際之明融兮又何必懷此
夢也矢予詞以自寫兮盍將反予旆乎空同

琴操

招隱操

淮南小山作招隱極道山中窮苦之狀以風切
道世之士使無遐心其旨深矣其後左太冲陸
士衡相繼有作雖極清麗顧乃自為隱道之辭
遂與本題不合故王康琚作詩以反之雖正左
陸之誤而所述乃老氏之言又非小山本意也
十月十六夜許進之挾琴過予書堂夜久月明
風露凄冷揮絃度曲聲甚悲壯既乃更為招隱

之操而曰穀成老人嘗欲為予依末作辭而未
就也予感其言因為推本小山遺意戲作一闕
又為一闕以反之口授進之併請穀城七者及
諸名勝相與共賦之以備山中異時故事云
南山之幽桂樹之稠枝相樛高拂千崖素秋下臨深谷之
寒流王孫何處攀援久淹留 聞說山中虎豹晝嗥聞說
山中熊羆夜咆叢薄深林鹿呦呦猕猴與君居山鬼伴君
遊君獨胡為自聊歲云莫矣將焉求思君不見我心徒離
憂

右招隱

南山之中桂樹秋風雲冥濛下有寒栖老翁木食澗飲迷

春冬此間此樂優游渺何窮 我愛陽林春葩晝紅我愛
陰崖寒泉夜淙竹栢含煙悄青葱徐行發清商安坐撫枯
桐不問簞瓢屢空但抱明月甘長終人間雖樂此心與誰
同

右反招隱

詩

遠游篇

舉坐且停酒聽我歌遠游遠游何所至咫尺視九州九州
何茫茫環海以為置上有孤鳳翔下有神駒驤孰能不憚
遠為我游其方為子奉尊酒擊鉢歌慨慷送子臨大路寒
日為無光悲風來遠壑執手空徬徨問子何所之行矣戒

關梁世路百險艱出門始憂傷東征憂暘谷西游畏羊腸
南轅犯癘毒北駕風裂裳頽子馳堅車躡險摧其剛我我
既不支瑣瑣誰能當朝登南極道莫宿臨太行睥睨即萬
里超忽凌八荒無為蹙蹙者終日守堂堂

擬古八首

離離原上樹戢戢澗中蒲娟娟東家子鬱鬱方幽居濯濯
明月姿靡靡朝華敷昔為春蘭芳今為秋蕪蕪寸心未銷
歇託體思同車

綺閣百餘尺朝霞冠其端飛欄麗遠漢曲楹何盤桓清謠
發徽音一唱再三歡借問誰為此佳人本邯鄲微響激流
風浮雲慘將寒為言何所悲遊子在何關不恨久離闊但

憂芳歲闌頽為清宵夢燕昵窮餘歡

上山採薇蕨側徑多幽蘭采之不足握欲寄道里艱沈憂
念故人長夜何漫漫芳馨坐銷歇徘徊以悲歡

佳月朗秋夜蟋蟀鳴空堂大火西北流河漢未渠央野草
不復滋白露結為霜梁燕起高飛雲鴈亦南翔念我同心
子音形阻一方不念執手歡隔我如參商寓龍不為澤畫
餅難充腸金石自堅虛名實可傷

鬱鬱閭底樹揚英秋草前與君結懽愛自比金石堅金石
終不渝懽愛終不踈一夕遠離別悠悠在中途相思未云
變音容定何如傷彼三春蕖灼灼層華敷盛時不可留恐
逐嚴霜枯夫君來何晚賤妾長離居

高樓一何高俯瞰窮山河秋風一夕至憔悴已復多寒暑
遞推遷歲月如頽波離騷感運暮惜誓闕蹉跎放意及騷
虞咄此可奈何邯鄲多名姬素豔凌朝華妖歌掩齊右緩
舞傾傷阿徘徊起梁塵綵絲紛衣羅麗服秉奇芬顧我長
咨嗟願生喬木陰寅緣若絲羅
夫君滄海至贈我一篋珠誰言君行近南北萬里餘結作
同心花綴在紅羅襦雙垂合歡帶麗服眷微軀為君一起
舞君情定何如
衆星何歷歷嚴宵麗中天殷憂在之子起步荒庭前出門
今幾時書札何由宣沉吟不能釋愁結當誰憐臨風一長
歎淚落如奔泉

題謝少卿藥園二首

自此詩至卷終先生
手編謂之牧齋淨業

謝公種藥地窈窕青山何青采羣花藥亦姿一掇召冲氣三
掇散沈痾先生澹無事端居味天和老木百年姿對立方
嗟我持此供日夕不樂復如何

小儒忝師訓迷謬失其方一為狂醒病望道空茫茫頗聞
東山園芝木緣高岡瘖聾百不治效在一探囊再拜藥園
翁何以起膏肓

邵武道中

同前詩起辛未

風色戒寒候歲事已逶遲勞生尚行役遊子能不悲林壑
無餘秀草不復滋未忝經秋成收歛已空畦田翁喜歲
豐婦子亦嘻嘻而我獨何成悠悠長路岐凌霧即曉裝落

日命晚炊不惜容髮凋鎖日長空飢征鴻在雲天浮萍在
青池微蹤政如此三歎復何為

友人黃子衡欲之上庠以詩留行

若士有奇操久厭山林卑奮衣千里道已與親友辭子行
何悠悠世路方如茲歸來亦何日車馬光陸離幽蘭生前
林擢置白玉墀不以芳意遠結根終不移願子崇明德潛
躍貴因時悲風靜夜聽喬木歲寒姿何以迴軒駕千載相
與期

奉酬丘子野表兄飲酒之句

微褐不充體寒夜懷重衾古來窮廬士歲暮多苦心苦心
亦何為世路多崎嶇不藉杯中物離憂坐自侵舉杯當勿

辭何為復沉吟醺醺遺所拘神慮契遐襟荒酒思前戒歡
謹發清音雅唱一何高仰酬非所任申章聊叙報洪量亦
余欽

丘子野表兄郊園五詠

欲識淵明家離離疎柳下中有白雲人良非遜世者柳
結援遂芳植覆墻擁深翠還當具春酒與客花下醉茶蘼
移自溪上園種此墻陰路墻陰少人行來歲障幽戶竹
芭蕉植秋檻勿云憔悴姿與君障夏日羽扇寧復持芭蕉
花柳遶宅茂先生在郊居下帷良已苦時作帶經勑蔬圃

古意

兔絲附樸樹佳木生高岡弱蔓失所依佳木徒蒼蒼兩美

不同根高下永相望相望無窮期相思諒徒為同車在夢想忽覺淡沾衣不恨歲月道但惜芳華姿嚴霜萎百草坐恐及茲時盛年無再至已矣不復疑

送劉句甫之池陽省觀六十四文遂如行在所上

計

雨雪成歲暮之子遠徂征酌酒起相送慨我別離情池陽實大藩佐車屈時英子行一請觀上計趨吳京良玉懷貞操芳蘭含遠馨臨岐一珍重即此萬里程

晨起對雨二首

淒冽歲云晏雨雪集晨朝高眠適方起四望但蕭條遠氛白漫漫風至林靄消流潦冒荒塗清川亦迢迢遐瞻思莫

窮端居心自超覽物思無託即事且逍遙

晨起候前障白煙眇林端雨意方未已后土何時乾倚竹聽蕭瑟俯澗聞驚湍景物豈不佳所嗟歲已闌守道無物役安時且盤桓翳然陶茲理貧悴非所歎

殘臍

殘臍生春序愁霖逼歲昏小紅敷艷萼衆綠被陳根陰壑泉方注原田水欲渾農家向東作百事集柴門

客舍聽雨 壬申

沈沈蒼山郭暮景含餘清春靄起林際滿空寒雨生投裝即虛館簷響通夕鳴遙想山齋夜蕭蕭木葉聲

宿武夷觀妙堂二首

陰霽除已盡山深夜還冷獨卧一齋空不眠思耿耿閑來
生道心妄遣慕真境稽首仰高靈塵緣誓當屏
清晨叩高殿緩步遶虛廓齋心啟真秘焚香散十方出門
恋仙境仰首雲峰蒼躊躇野水際頓將塵慮忘

社日諸人集西岡

郊原暖芳物細雨青春時前岡遐敞地登覽情無遺農畝
懷歲功壺漿祝神釐我慚里居氓十載勞驅馳今朝幸休
閑追逐聊嘻嘻笑語歡成舊盡醉靡滯期

久雨齋居誦經

端居獨無事聊披釋氏書整釋塵累牽超然與道俱門掩
竹林幽禽鳴山雨餘了此無餘法身心同晏如

新竹

春雷殷巖際幽草齊發生我種南窓竹戢戢已抽明坐獲
幽林賞端居無俗情

雨中示魏惇夫兼懷黃子厚二首

讀書春日晏雨至滿郊園一洒幽叢竹藹藹清陰繁齋居
無還往鎮日空掩門欲將冲靜處與子俱忘言

暄風變春餘卉本日葱蒨林間一雨來滿庭寒草徧寂寞
謝朋傳晤語懷雋彥良無一水遙阻闊何由見

夜聞子規啼

幽林欲雨氣含淒春晚端居園徑迷獨向高齋展衾卧南
山夜夜子規啼

杜門

杜門守貞操養素安冲漠寂寂闕林園心空境無作細雨
被新筠微風動幽篔聊成五字句吟罷山花落浩然與誰
期放情遺所託

宿山寺聞蟬作

林葉經夏暗蟬声今夕聞已驚為客意更值夕陽曛

晨登雲際閣

晨起踏僧閣徙倚望平郊攢岫夏雲曉蒼茫林影交暫釋
川途念憇此煙雲集聊欲託僧宇歲晏結蓬茅

池上示同遊者

藕葉蓋波面池花猶未紅聊承曉露餘散步詠涼風香氣

已飄忽客懷誰與同唯願同遊子芳意更匆匆

過黃塘嶺

屈曲危厓轉沉陰山氣昏蟬声高樹暗石瀨淺流喧已過
黃塘嶺欲覓桃花源無為此留滯驅馬踰山樊

宿白芒畬

早發招賢里夜宿白芒畬川暝前山雨風驚澗樹花途陸
繇異縣曛黑泊田家逢人聊問路猶恨去程賒

濯足澗水二首

濯足澗邊石山空水流喧行旅非吾事寄此一忘言
澗邊濯足時脩途倦煩煥振策欲尋源山空無往躅

自溪口買舟至順昌示同行者

時燠倦長途買舟至西廓煙沒方渺然坐此溪上閣子留
且歡宴我去成蕭索同行不同調此意誰與託

宿貧營鋪

庭陰双樹合窓夕孤蟬吟盤礴解煩鬱超搖生道心

倒水坑作

窮幽鮮外慕殖志在丘園即此竟無得空恨歲時遷川陸
繇半載煩燠當歸緣憇此蒼山曲洗心聞澗泉

夏日二首

夏景已逾半林陰方澹然鳴蟬咽餘響池荷競華鮮抱病
守窮廬釋志趣幽禪即此窮日夕寧為外務牽

雲臻川谷暝雨來林景清齋舍無餘事涼氣散煩纓望山

懷釋侶盟手關仙經誰懷出塵意來此俱無營

對雨

虛堂一遊曠驟雨滿空至的皪散芳塘冥濛結雲氣勢逐
風威亂望窮山景翳煙靄集林端蒼茫欲無際涼氣襲輕
裾炎氛起秋思對此景淒淒還增冲澹意

齋居聞磬

幽林滴露稀華月流空爽獨士守寒栖高齋絕羣想此時
隣磬發声合前山響起對玉書文誰知道機長

又聞琴作

瑤琴清露後寥亮發窓間韵逐回風遠情隨玄夜闌端居
獨無寐林扉空掩闕起望星河落哀絃方罷彈

讀道書作六首

巖君秉貞操所慕在玄虛清夜眠齋宇終朝觀道書形忘
氣自冲性達理不餘於道雖未疾已超名跡拘至樂在襟
懷山水非所娛寄語狂馳子營營竟焉如

矢志墮塵網浩思屬滄洲靈芝不可得歲月逐江流碧草
晚未凋悲風颯已秋仰首鸞鶴期白雲但悠悠

白露墜秋節碧陰生夕涼起步廣庭內仰見天蒼蒼東華
綠嶽翁授我不死方願言勤脩學接景三玄鄉

四山起秋雲白日照長道西風何蕭索極目但煙草不學
飛仙術日日成醜老空瞻王子喬吹笙碧天杪

鬱羅聳空上青冥風露淒聊乘白玉鸞上與九霄期激烈

玉蕭声天矯餐霞姿一回流星盼千載空相思

王喬吹笙去列子御風還至人絕華念出入有無間千載
但聞名不見冰玉顏長嘯空宇碧何許蓬萊山

秋雨

一雨散林表清陰生廣庭喜茲新秋夜起向高齋行煩歎
獲暫祛涼氛集華綬沈沈遠林氣愜此端居情節物坐如
此撫世襟方盈歸當息華念超遙悟無生

秋夕懷子厚二首

雨歇林氣爽月華湛遙暉齋居翫物變廓落滄洲期焚香
散碧虛撫節陳清詩抗志屬雲端非君諒誰知

涼氣沉齋宇夕陰未渠央寒栖屬遙夜長簾卷單床浮雲

蔽中天愁霖隔秋窓思君一晤對耿耿何能忘

病中呈諸友

窮居值秋晦抱疾獨齋居行稀草生徑一雨復旬餘交親各所營曠若音塵踈始悟端居樂復理北窓書讀誦興已闌起坐方躊躇綠樹滿空庭策策涼颺初良時不復停煩吝未云祛還思對君子日夕佇軒車

川上見月歸示同行者

川上偶携手皓月起林端一舒臨流望玄露已先溥歸掩荒園扉更怯裳衣單清夜可晤言獨處誰為歡

月夜述懷

皓月出林表照此秋牀單幽人起晤歎桂香發忽聞高梧

滴露鳴散髮天風寒杭志絕塵氛何不接空山

冬雨不止

忽忽時序改白日蔽光輝重陰潤九野小雨紛微微蒼山寒氣深高林霜葉稀田家秋成意落落乖所期曠望獨興懷戚戚愁寒飢事至當復遣且掩荒園扉

贈仰上人

澗谷秋雲曉飄飄無定姿氛氲升遠樹凌亂起寒颺雨罷成孤鶴天高遂散絲上人歸別嶺心迹但如斯

即事偶賦

白煙竟日起雨晦蒼山深老菊不復妍丹楓滿高林抱病寢齋房窻戶結愁陰起望一舒情遺眺豁煩襟人生亦已

勞世路方崎嶇且詠招隱作無為名跡侵

作室為焚修之所擬步虛辭

歸命仰璇極寥陽太帝居備備列羽幢八景騰飛輿願傾
無極尤回駕俯塵區受我焚香禮同彼浮黎都

寄題咸清精舍清暉堂

山川佳麗地結宇娛朝昏朝昏有奇變超忽難具論千嵐
蔽夕陰百嶂明晨暎穹林擢遙景回澗蓋秋氛覽極漸未
凋窮深遂忘喧欲將身世遺况託玄虛門境空乘化往理
妙觸目存玆重忘言子高唱絕塵紛

冬日二首

蕭索時序晚已復度高秋四澗白波起通川絳樹稠晨風

散清霜嘉稻卷平時獨懷志士感歲事幸將休

清霜染澗樹蕭索向巖夕密雨有時集寒雲無定容波明
橫瀨出風急遠林空一極窻間眺高旻轟亂峯

春日即事 癸酉

郊園卉木麗林塘煙水清閑棲眾累遠覽物共閑情憇樹
鳥啼幽綠原草舒榮悟悅心自遣誰云非達生

誦經

坐厭塵累積脫躡味幽玄靜披笈中素流味東華篇朝昏
一俯仰歲月如奔川世紛未云遣仗此息諸緣

春日言懷

春至草木變郊園猶掩扉茲晨與心會覽物徧芳菲桃萼

破淺紅時禽悅朝暉泉谷暖方融原田水初肥東作興庶
眈歲初始在茲端居適自慰世事復有期終然心所向農
畝當還歸

晚步

東京鬱已秀嘉樹鵲初綠衆卉發春陽前山可遐眺端居
日康倦步澗步虛曲景幽恣所尋悟悅何由足鳥鳴華薄
深泉響亂流續握手一同忻吾生詎幽獨

懷友

山夕烟景亂林空鳥啼幽懷人隔春江夢想積離憂覽物
懷悄悄臨觴但悠悠
懷回東西步悟歎復何求

山館觀海棠作二首

景暄林氣深雨罷寒塘淥置酒此佳辰尋幽慕前躅芳樹
麗煙華紫絲散清馥當由懷別恨寂寞向空谷
春草池塘淥忽驚花嶼紅亂英深淺色芳氣有無中置酒
賓朋集披襟賞味同若非摹寫得應逐綵雲空

題畫

青鸞凌風翔飛仙竊窈姿高挹謝塵境妙顏粲瓊徒登霞
抗玉音結霧吹參差神鈞儻空洞玄露湛霄暉山中王谷
家胡不一來嬉真凡路一分真運千年期

過武夷作

弄舟緣碧澗棲集靈峯阿夏木紛已成流泉注驚波雲闕
啓蒼茫高城鬱差峩眷言羽衣子悅仰日婆娑不學飛仙

術纍纍丘冢多

同安客舍夜作二首

官署夜方寂幽林生月初閑居秋意遠花香寒露濡故國
異時節欲歸懷簡書聊從西軒卧塵思一蕭疎
窻戶納涼氣吏休散朱墨無事一脩然形神罷拘役暫悵
豈非閑無論心與跡

寄山中舊知七首

結茅雲壑外石澗流清泉澗底采菖蒲顏色永芳鮮超世
慕肥遯練形學飛仙未諧物外期已緣區中緣
客子歸來晚江湖欲授衣路岐終寂寞老大足傷悲慨
平生志真茫造物機清秋鵬鷲上萬里看橫飛

晨興香火罷入室披仙經玄默豈非尚素餐空自驚起與
塵事俱是非忽我營此道難坐進要須悟無生

故園今夜半林影澹逾清曳杖南溪路君應獨自行潺湲
流水思蕭索早秋聲盡向琴中寫焉知離恨

采藥侵晨入亂峯宿雲無處認行蹤歸來應念塵中客寄
與玄玄之手自春

淒涼梧葉變芬馥桂花秋日夕湖臯勝哦詩憶舊遊
秋至池閣靜天高林薄疎西園有佳處那得與君俱

述懷

夙尚本林壑灌園無寸資心懷經濟策復愧軒裳姿效官
刀筆間朱墨手所持謂言殫蹇劣詎敢論居畀任小才亦

短抱念一無施幸蒙大夫賢加惠寬筆答撫已實已優於
道豈所期終當反初復高挹與世辭

釋奠齋居

理事未逾月簿書終日親簡編不及顧几閣積埃塵今辰
屬齋居煩跼一舒伸瞻眺庭宇肅仰首但秋旻茂樹禽囀
幽忽如南澗濱聊參物外趣豈與俗子羣

試院雜詩五首

齋宇夜沉寂淒涼群物秋卧聽簾鴻盡心屬故園幽了事
知何日分曹喜勝流笑談真暫尔不敢恨淹留
寒燈耿欲滅照此一窻幽坐聽秋簷響淋浪殊未休
窮秋一雨至暫止復蕭蕭曲沼寒流滿空庭涼葉飄聞鍾

懷整覽物屬今朝一詠歸來賦頗將形跡超

長廊一遊步愛此方塘淨急雨散遙空圓文蒲幽鏡階空

綠苔長院解寒飈勁長歡不逢人超搖得真性

藝苑門禁肅長廊似僧居偶來一散步暫與塵網踈文字

謝時輩銓衡賴群儒伊子獨何者偏仄心煩紆

巖桂

山中綠玉樹蕭洒向秋深小閣芬微度書帷氣欲侵披懷
清露曉遇賞夕嵐陰珍重王孫意天涯淚滿襟

秋懷

井梧已飄黃澗樹猶含碧煙水但委迤空齋坐蕭瑟端居
生遠興散漫委書帙愛此北窻閑時來岸輕幘微鍾忽忽

遞禽語破幽寂賞罷一悄然淡泊忘所適

喜情

衝飈動高柳淥水澹微波日照秋空淨雨餘寒草多放懷
遺簿領發興託煙蘿忽念故園日東阡一時過

夜賦

暗窻螢影亂秋幃露氣深羣籟喧已寂青天但沈沈惻愴
懷高侶幽默抱冲襟遙憶忘言子一寫山水音

曉步

初日麗高閣廣步愛脩廊重門掩秋氣高柳陰方塘闔海
冬尚溫晏陰天未霜坐悲景物殊亦念歲時荒故園屬佳
辰登覽遍陵岡賓遊盡才彥蕭散屏靈觴別來時已失懷

思寧整忘宦遊何所娛要使心懷傷

書事

重門掩書靜寂無人境喧嚴程事云已端居秋向殘超搖
指外慮幽默與誰言即此自為樂何用脫籠樊

八月十七夜月

忽忽秋逾半清暉萬里同遙知竹林夜共賞碧壺空寂漠
盈尊酒淒涼滿院風寒塘空自淥不似小園東

憶齋中二首

高齋一遠地西南對秋山景翳夕陰起竹密幽禽還賞愜
慮方融捍會心自閑誰料今為客寥落一窓間
蟋蟀亂秋草故園風霜深何因不歸去坐使百憂侵

秋夕

秋風桂花發夕露寒蟄吟歲月坐悠遠江湖亦阻深紛思
寧復整離憂信難任終遣誰為侶獨此澹冲襟

夢山中故人

風雨蕭蕭已送愁不堪懷抱更離憂故人只在千岩裏桂
樹無端一夜秋把袖追歡勞夢寐舉杯相屬暫綢繆覺來
却是天涯客簷響潺潺瀉未休

懷子厚

中夏辭故里涉秋未停車賓友坐離闕田園想榛蕪感茲
風霜朝起望一煩紆眷彼忘言子鬱鬱西齋居俯飲蒼澗
流仰咏古人書名應里閭薦心豈榮利俱琅然撫枯樹幽

韻泉谷虛寒裳欲往聽乖隔藥所如

南安道中

眈澗淙流急秋山寒氣深高蟬多遠韻茂樹有餘音煙火
居民少荒蹊草露侵悠悠秋稼晚寥落歲寒心

垂澗藤

寒泉下碧澗古木垂蒼藤陰此萬里流閑花自層層何人
賞幽致白髮岩中僧

臨流石

偃蹇西澗濱枵然似枯木下有幽泉鳴上有蒼苔綠來往
定何人山空此遺躡

懸崖水

秋天林薄疎翠壁呈清曉迢迢寫寒泉下有深潭悄時飄
桂葉來尋源路殊杳

穿林徑

屈曲上雲端似向崖陰斷行聞山鳥鳴下与泉声亂去去
不知疲幽林自成玩

九日

故國音書阻一方天涯此日思茫茫風烟歲晚添離恨湖
海尊前即大荒薄宦驅人向愁悴舊遊唯我最顛狂細思
萬石亭前事辜負黃花滿帽香

督役城樓

天高無遊氣林景澹餘暉感此霜露節但傷風土非季秋

時序温百卉不復腓祗役郊原上暄風一吹衣仕身諒無
補課督慚飢羸還憶故園日策杖園中歸

再至作

荒城一騁望落景麗譙門隱隱鐘猶度依依嵐欲昏風霜
非故里禾黍但秋原極目歸來晚茲懷誰與論

晚望

禾黍弥平野淒涼故國秋清霜凝碧樹落日翳層丘覽物
知時變為農覺歲道不堪從吏役惟悴欲歸休

苧溪道中

秋山有紅樹忽憶野田中禾黍收將盡氛埃晚欲空登原
悲落景倚杖怯高風更有寒塘水應將此處同

十月朔旦懷先隴作

十月氣候變獨懷霜露悽僧廬寄楸檟饋奠失茲時竹柏
翳陰岡華林敞神扉汎掃託羣隸瞻護煩名緇封塋諒久
安千里一歎歎持身慕前烈銜訓倘在斯

步虛詞二首

扉景廓天津空同無負方丹晨儻七氣朶秀東溟房冷吐
碧琳華仰喻飛霞漿竦纒絕冥外眇日撫太荒策我綠軒
駟上際於浪滄神鈞亦寥朗菴靄晨風翔卷翻塵波裏縱
神非有亡一樂無終永千椿詎能當

褰裳八度外竦纒霄上游軒觀隨雲起偃駕京溟立丹美
耀瓊岡二素粲曾幽躡景遺塵波偶想即虛柔眇目娛真

際不喜亦不憂宴罷三椿期顛徊翳滄流千載何足道太
空自然疇

民安道中

祇役東原路長風海氣陰蒼茫生遠思僚慄起寒襟午泊
僧寮靜昏投縣廓深拙勤終不補誰使漫勞心

西郊縱步

西郊一遊步極目是秋山積水群峯碧清霜楓樹丹故園
心不展投策詎能閑且適平生生意無令雙鬢班

寄黃子衡

遠宦去鄉井終日無一歡援琴不能操臨觴起長歡我友
客京都肅肅雲天翰別去今幾時各在天一端有酒不同

斟中情誰與宣裁詩一問訊重使心思傳

濯足萬里流

褰裳緣碧澗濯足憇清幽却拂千岩石聊乘萬里流氛埃
隨脫屣步武欲橫秋極目滄江晚煙波殊未休

孤鶴思太清

孤鶴悲秋晚凌風絕太清一為棲苑客空有叫群声天矯
千年質飄飄萬里情九臯無枉路從遣碧雲生

與諸同寮謁莫北山過白岩小憩

聯車涉修坂覽物窮山川踈林汎朝景翠嶺雲煙祠殿
何沈邃古木鬱蒼然明靈自安宅牲酒告恭虔覬蠶理瀆
通神蚪亦蜿蜒既欣歲事舉重喜景物妍鮮帶憇精廬藹

酌且留連縱談遺名跡煩慮絕拘牽逸翫詠難留歸軫忽

已騫蒼蒼暮色起反旆東城阡

懷山田作二首

郊園多所樂況此歲云莫寒色澹遙空清霜變紅樹欲舒
林表望詎識塵中趣向晚寂無人氛盍欲成霧冬日

冰溪流已咽陰嶺寒方結忽值早梅春未恐芳心歇的皪
終自妍殷勤為誰折千里寄相思相思政愁絕梅花

夜雨二首

擁衾獨宿聽寒雨聲在荒庭竹樹間萬里故園今夜未遑
知風雪滿前山

故山風雪深寒夜只有梅花獨自香此日無人問消息不

應焦悴損年芳

將理西齋

欲理西齋居厭茲塵境擾發地得幽芳斲石依寒篠閑暇
一題詩懷冲獨觀眇偶此愜高情公門何日了

寄題金元鼎同年長泰面山亭

抗心塵境外結宇臨秋山乘高一騁望表裏窮遐觀衆壑
互攢列連岡莽縈環陽崖煙景舒陰壑悲風寒碧草晚未
凋林薄已復丹仙人吳門子歲晚當來還

冬至陰雨

愆陽值歲晏忽傷層陰結一雨散霏微千林共騷屑端居
遺簿領還意懷幽索曠慮守微疴殊方感新節豈伊田廬

念丘壠心摧折還登東嶺岡瞻疇何由歇

安溪道中泉石奇甚絕類建劔間山水佳處也

驅車陟連岡振轡出林莽霧露曉方除日照川如掌行行
遵曲岸水石窮幽賞地偏寒篠多澗激淙流響祗役未忘
倦心神暫蕭爽感茲懷故山何日稅征鞅

留安溪三日按事未竟

縣郭四依山清流下如駛居民煙火少市列無行次嵐陰
常至午陽景猶氛翳向夕悲風多遊子不遑寐我來亦何
事吏桀古所記奉檄正淹留何事語歸計

安溪書事

清溪流不極夕霧起嵐陰虛邑帶寒水悲風號遠林涵山

日欲晦窺閣景方沉極目無遺眺空令愁寸心

梅花兩絕句

溪上寒梅應已開故人不寄一枝來天涯豈是無芳物為
爾無心向酒杯

幽壑潺湲小水通茅茨煙雨竹籬空梅花亂發籬邊樹似
倚寒枝恨朔風

袖花甲戌

春融百卉茂素榮敷綠枝淑郁麗芳遠悠颺風日遲南國
富嘉樹騷人留恨詞空齋對日夕愁絕髮成絲

病告齋居作

層陰靄已布小雨時漂洒獨卧一窓間有懷無與寫高居

生遠興春物弥平野慮曠景方融事遠情無捨聊寄茲日
閑塵勞等虛假

感事有嘆

榮華難久恃代謝安可量宿昔堂上飲今歸荒草鄉高臺
一以傾總帳施空房繁絃既闕奏緩舞亦輟行桃李自妍
華春風自飄揚恋幄靡遺思更衣有餘芳身徂名亦滅事
往恨空長寄語繁華子古今同一傷

夏日

涼氣集幽樹清陰生廣庭偶茲憇煩燠忽憶郊園行婉婉
碧草滋迢迢玄蟬鳴官曹且休暇自適幽居情

聞蟬

悄悄山郭暗故園應掩扉蟬聲深樹起林外夕陽稀

秋夜歎

秋風浙瀝鳴清商秋草未死啼寒蟬幽人幽人起晤歎仰
視河漢天中央河漢西流去不息人生心苦何終極蒼山
萬疊雲氣深去鍊形竟生羽翼

茅舍獨飲

出身從吏役驅車涉窮山日落陰景晦天高風氣寒豈無
斗酒資獨酌誰為歡一盃且復醉首念中闌干

宿傳舍見月

堂堂寒夜月華清獨宿淒涼夢不成欲向堦前舞凌亂手
持杯酒為誰傾

寄諸同寮

把酒江頭煙雨時遙知江樹已芳菲應憐倦客荒茅裏落
盡梅花未得歸

登羅漢峯

休暇曹事簡登高恣窺臨徜徉偶此地曠望披塵襟落日
瞰遠郊暮景生寒陰歡餘未去已更欲窮幽尋行披茂樹
盡豁見滄溟深恨無雙飛翼往詣蓬山岑

登西山亭

是日氛霧四塞獨見雙巒峯

新亭夙所聞登眺遂茲日極目但蒼茫前瞻如有失煙鬟
稍呈霞巖嶺方含鬱長歎天風來雲散空宇碧

雙巒峯

絕壑藤蘿貯翠煙水声幽咽亂峯前行人但說青山好腸
斷雲間雙髻仙

涉澗水作

幽谷濺濺小水通細穿危石認行蹤回頭自愛晴嵐好却
立灘頭數亂峯

試院即事

端居惜春晚庭樹綠已深重門掩書靜高館正陰沈披衣
步前除悟物懷貞心澹泊方自適好鳥鳴高林

借王嘉叟所藏趙祖文畫孫興公天台賦凝思幽

巖朗詠長川一幅有契于心因作此詩二首

翩然乘孤鶴往至蒼崖巔上有桂樹林下有清泠淵洗心

詠太素汎景窺靈詮棲身託歲莫畢此巖中緣

山空四無人澗樹生涼秋杖策忘所適水木娛清幽散髮
塵外颺濯足青瑤流靜歛長林內舉翮仍丹丘

雜記草木九首

高蘿引蔓長挿援垂碧絲西窓夜來雨無人領幽姿天門冬

弱植不自持芳根為誰好雖微九秋幹丹心中自保紅蕉

根節含露辛荇穎扶援綠蠻中靈草多夏永清陰足扶留

種竹官墻陰經年但憔悴故園新綠多宿幹轉蒼翠竹

窈窕安榴花乃是西隣樹墜萼可憐人風吹落幽戶榴花

春條擁深翠夏花明夕陰北堂罕悴物獨尔澹冲襟萱草

西窓菅草藂昔是何人種移向北堂前諸孫時遶弄菅草

端居春向殘夏氣已清穆睡起悄無人風驚滿窗綠獨竟
晨起獨行園花藥發奇穎猶嫌墜露稀更汲寒泉井澆花

觀黃德美延平春望兩圖為賦二首

川流匯南奔山豁類天關層巖麗西崖朝日羣峯碧劍閣
望南山

方舟越大江凌風下飛閣仙子去不還蒼屏倚寥廓冷風
望演山

祠事齋居聽雨呈劉子晉

刀筆常時篋笥盈齋祠今喜骨毛清與君此日俱無事共
愛寒階滴雨聲

考異

虞帝廟詞 沛皇一作皇虞之一作離武之一作慨一作

玄功一作元功

感春賦 悵佳一作悵佳吾心一無

空同賦 壁帶一作壁帶招隱操 清商一作商歌

遠游篇 問子何所之行矣戒關梁世路百險難出門始

憂傷東征憂陽谷西游畏羊腸南轅犯癘毒北駕風

裂裳一作願子審所之行矣戒關梁南轅犯癘毒北

難出門始悲傷

春日即事 緣原一作緣源

古意一作古所依一作所託月道一作月流春日言懷一作書懷

過武夷作 塔蒼一作起蒼 八月十七夜月 竹林一作故園

九日 湖海一作江海 督役城樓 感此一作感茲

寄黃子衡 重使一作却使 懷山田作 色澹一作色靄

安溪道中 忘倦一作忘疲 征鞅一作歸

安溪書事一作晚望 虛邑一作井邑 涵山日欲深一作山日已

窺閣一作地 極目一作日

借王嘉叟所藏趙祖文畫孫興公天台長川一幅一作借王嘉叟

天台一作橫卷 洗心一作凝神 澗樹一作桂樹 長林一作茲林

觀春望兩圖 朝旦一作朝夕

朱子大全卷之二

朱子大全卷之二

詩

送王季山赴龍溪

故人千石令便道此之官契闊三秋永逢迎一笑惟田園
知不遠謠俗問非難已想躬玄默鳴絃亦罷彈

之德化宿劇頭鋪夜聞杜宇

王事賢勞祗自嗤一官今是五年期如何獨宿荒山夜更

擁寒衾聽子規

次韻傳丈題呂少衛教授藏書閣

西樓誰與共閑居茂樹婆娑清晝餘大隱祗今同一壑行
吟非昔似三閭揣摩心事惟黃卷料理家傳亦素書更鑿

寒泉供漱石世紛不擬問焉如

次句父韻

玉宇何人寄鏘鳴蒲袖金劇知多暇日誰與共幽尋薄領
淹窮海鷺花遶故林功名終好在且莫負初心

次祝澤之表兄韻

裸程相向但悠悠信道乾坤日交浮此去安心知有法向
來示病不難瘳優游靜室閑愁底放浪東阡南陌頭萬事
何由到懷抱夕陽芳草自春秋

次祝澤之表兄韻送劉子晉歸省

之子真吾友心期到古人懇懇來講筵迢迢遠辭親黃卷
工夫妙班衣夢想頻今朝首歸路何處問知津

送祝澤之表兄還鄉

首夏何來此清秋却復歸應綠心未快豈是世相違落日
空書館涼風淨客衣功名須努力別淚莫頻揮

知郡傳文載酒僕被過烹於九日山夜泛小舟弄

月劇飲二首

扁舟轉空闊煙水浩將平月色中流滿秋聲兩岸生杯深
同醉極哨罷獨翫驚歸去空山黑西南河漢傾
誰知方外客亦愛酒中仙共踏空林月來尋野渡船醉醒
非各趣心跡兩忘緣江海情何限秋生蓬髮邊

教思堂作示諸同志

吏局了無事橫舍終日閑庭樹秋風至涼氣蒲窓間高閣

富文史諸生時往還縱談忽忘倦時觀非云慳詠歸同與
點坐忘度晷顏塵累日以銷何必棲空山

再得古木

青山一何深上下盡雲木中有千歲姿偃蹇卧寒谷明堂
不徵材大匠肯回目樵斧莫謾尋從渠媚幽獨

示諸同志

夏木已云暗時禽變新聲林園草被徑端居有餘清端居
亦何為日夕掩柴荆靜有絃誦樂而無塵慮并良朋肯顧
予尚有夙心傾深慚未聞道折衷非所寧者焉撫流光中
夜歎以驚高山徒仰止遠道何由征

示四弟

十日一洗沐諸生各歸休虛齋群響九坐心悠悠雨久蒼
徑荒林深鳥啼幽階前樹萱草與子俱忘憂

還家即事

獻歲事行役徂春始還歸昔往草未芳今來翠成幃扶踈
蒲園陰時禽互翻飛叢萱亦已秀丹葩耀晨輝即事誰與
娛淹留自忘機日莫復出門悵然心事違古人不可見獨
掩荒園扉

小盈道中

今朝行役是登臨極目郊原快賞心却笑從前嫌俗事一
春牢落閉門深

題囊山寺

曉發漁溪驛夜宿囊山寺雲海近蒼茫層嵐擁深翠行役
倦脩途投歸聊一憩不學塔中仙名途定何事

題九日山石佛院亂峯軒二首

因依古佛居結屋寒林杪當戶碧峯稠雲煙自昏曉
岩中老釋子白髮對青山不作看山想秋雲時往還

題可老所藏徐明叔畫卷二首

群峯相接連斷處秋雲起雲起山更深咫尺愁千里
流雲繞空山絕壁上蒼翠應有采芝人相期煙雨外

再至同安假民舍以居示諸生

端居託窮巷稟食守微官事少心慮怡吏休庭宇寬晨興
吟誦餘身物隨所安社門不復出悠然得真歡良朋夙所

敦精義時一殫靈餐雖牢落此亦非所難詩生不葷肉

六月十五日詣水公菴兩作

雲起欲為雨中川分晦明絕鷲橫嶺斷已覺疎林鳴空際
旱塵滅虛堂涼思生顏簷滴漑餘忽作流泉傾况此高人
居地偏園景清芳馨雜悄蕭俯仰同鮮榮我來偶茲適中
懷澹無營歸路綠泱泱因之想巖耕

末利

曠然塵慮盡為對夕花明實葉低層帷冰蕤亂玉英不因
秋露濕詎識此香清預恐芳菲盡微吟遶砌行

謝人送蘭

幽獨塵事屏晚晚秋蘭滋芳馨不自媚掩抑空相思晤對

日方永披叢露夫晞脩然發孤詠九畹陳悲詩

又

淹留閱歲序契關心懷憂獨卧寄僧問一室空山秋裴回
起顧望俯仰誰與儔伊人遠贈問孤根亦綢繆芳馨不我
遺三載娛清幽愧無瓊琚報厚意竟莫酬瞻彼南陔詩使
我心悠悠

秋蘭已悴以其根歸李古

秋至百草晦寂寞寒露滋蘭臯一以悴蕪穢不能治端居
念離索無以遺所思願言託孤根歲晏以為期

去歲蒙李古分惠蘭花清賞既歇復以根叢歸之
故畹而李古預有今歲之約近聞頗已著花輒賦

小詩以尋前約幸一笑

秋蘭遞初馥芳意蒲冲襟想子空齋裏淒涼楚客心夕風
生遠思晨露洒中林頗憶孤根在幽期得重尋

秋夕二首

西齋出竟日曠然誰與儔感茲風露夕始知天宇秋庭樹
且扶踈時物詎淹留心空累去遠歲月真悠悠
公門了無事吏散終日閑涼蕙何蕭蕭悲吟庭樹間琴書
寫塵慮菽水怡親顏憶在中林日秋來長掩關

秋夜聽雨奉懷子厚

悄悄窓戶暗青燈讀殘書忽聽踈雨落稍知涼氣初披襟
聊自適掩卷方躊躇亦念同懷人悵望心煩紆鳴琴愛靜

夜樂道今閑居岑岑空山中此夕知焉如

對月思故山夜景

沉沉新秋夜涼月蒲荊扉露泫凝餘彩川明澄素暉中林竹樹映疎星河漢稀此夕情無限故園何日歸

同僚小集梵天寺坐間雨作已復開霽步至東橋玩月賦詩二首

傑閣翔林抄披襟此日閑層雲生薄晚涼雨遍空山地迫衣裳冷天高澄霽還出門迷所適月色蒲林閑空山看雨罷微步喜新涼月出澄餘景川明發素光星河方耿耿雲樹轉蒼蒼晤語逢清夜茲懷殊未央

梵天觀雨

持身乏古節寸禄久棲遲暫是寄靈山寺空吟招隱詩讀書清磬外看雨暮鐘時漸喜涼秋遠滄洲去有期

兼山閣雨中

兩山相接雨冥冥四牖東西萬木清面似凍梨頭似雪後生誰與屬遺經

登閣

橫空敞新閣高處絕炎氛野迥長風入天秋涼氣分憑欄生逸想投迹遠人群終憶茆簷外空山多白雲

秋懷二首

秋風吹庭戶客子懷故鄉矧此卧愁疾徘徊守空房佇想澗谷居林深慘悲涼鷓鴣感蕭辰拊翼號風霜氛雜無留

氣悄猶有餘芳幸聞衛生要招隱夙所臧終期謝世慮矯
翮茲山岡

懷疴坐竟日晚色散幽樹寂歷候蟲悲沆瀣碧草露端居
興方澹沉默自成趣羽觴歡獨持瑤琴誼與悟空知玄思
清未惜年華度美人殊不來歲月恐遲暮

中元雨中呈子晉

但暑尚繁鬱大火空西流茲辰喜佳節涼風忽驚秋晚晚
蘭徑滋蕭前庭樹幽炎氣一以去恢台逝不留刀筆隨事
屏塵囂與心休端居諷道言焚香味真誦子亦玩文史及
此同優游

秋暑

晨興納新涼亭午倦猶暑卧對北窓扉淡泊將誰侶踈樹
含輕颺時禽轉幽語端居悟物情即事聊容與

和李伯玉用東坡韻賦梅花

北風日日霾江村歸夢正尔勞營鬼忽聞梅藥臘前破楚
客不愛蘭佩昏尋幽舊識此堂古曳杖偶集僧家園嵐陰
春物未全到邂逅只有南枝温冷光自照南色界雲艷未
怯扶桑暎遙知雲臺溪上路玉樹十里蔽山門自憐塵羈
不得去坐想佳處知能言但哦君詩慰岑寂已似共倒花
前樽

與諸人用東坡韻共賦梅花適得元履書有懷其人因復賦此以寄意焉

羅浮山下黃茅村蘇仙去餘詩蒐梅花自入三疊曲至
今不受蠻煙昏佳名一旦異凡木絕艷千古高名園却憐
冰質不自暖雖有步障難為溫羞同桃李媚春色敢與葵
藿爭朝暎歸來只有脩竹伴寂歷未掩踈籬門亦知真意
還有在未覺浩氣終難言一盃勸汝吾不淺要汝共保山
林罇

挽劉寶學二首

天地誰翻覆人謀痛莫支公扶西極柱威動北征旗肉食
謀何鄙家山志忽齋平生出師表今日重傷悲
生死公何有飄零我自傷向非憐不造那得此深藏心折
風霜裏衣沾子姪行哦詩當肅挽悲哽不成章

寄題梅川溪堂

滄波流不極上有一畝園幽人掩關卧脩竹何娟娟虛堂
面群峯秀色摩青天靜有山水樂而無車馬喧人言市門
子往往蒼崖顛揮手謝世人日中翔紫煙遺迹尚可覲神
交邈無緣慨然一求歎耀靈忽西遷褰裳下中沚濯足娛

晴川

和劉抱一

幾年牢落舊村墟此日翛然水竹居病起試尋春逕草客
來聊煮雪畦蔬開樽細說平生事信手同繡集古書適意
何勞一千卷新詩閑出笑談餘

再和

久矣投裝返舊墟不將心事賦閑居荷鉏帶月朝治穢植
杖臨風夕挽蔬三逕猶尋陶令宅萬籤聊借鄴侯書木瓜
更得瓊琚報吟詠從今樂有餘

送芮國器二首

挂節千山外勤勞飽所經一心無適莫萬口自丹青拂拭
先賢傳光輝處士星活人功更遠試與問林垌

紫陌同年舊青雲得路新論心端有契下榻豈辭頻話別
驚如許相逢渺未因期公念經濟從此上星辰

梅花開盡不及吟賞感歎成詩仰貽同好二首

憶昔身無事尋梅只怕遲沈吟窺老樹取次折橫枝絕艷
驚衰髮餘芳入小詩今年何草草政爾負幽期

寒几冰壺在梅梢雪蕊空不堪三弄咽誰與一樽同鼻觀
殘香裏心期昨夢中那知北枝北猶有未開叢

宋文示及紅梅臘梅借韻兩詩輒復和呈以發一

笑

聞說寒梅盡尋芳去已遲冷香無宿蕊穠艷有繁枝正復
非同調何妨續舊詩廣平偏嫉媚鐵石悟心期宋文此篇乃用施朱

事

風雪催殘臘南枝一夜空誰知荒草裏却有暗香同質瑩
輕黃外芳騰淺絳中不遭岑寂侶何以媚孤叢

呈黃子厚

茅齋壁事遠幽獨興無窮永晝呻吟內新涼愁思中朱顏

非昨日綠鬢又秋風
珍重墻東客
遙憐此意同

奉酬子厚詠雪之作

達夜不能寐
披衣起彷徨
仰視天正黑
寒氣慘悲涼
飛霰忽下零
雪花亦飄揚
飄揚未云已
須臾滿空翔
前山失舊姿
川谷流素光
念昔少小時
無事志四方
五年江海上
不見雪與霜
飄飄今日情
浩蕩誰能量
凌晨飲一杯
竟日守空堂
竚立玩奇變
永言荷新章
踴躍欲何報
玉樹生瓊岡

送籍溪胡文赴館供職二首

祖錢衣冠滿道周
此行誰與話
端由心知不作功名計
祇為蒼生未敢休

執我仇仇詎我知
謾將行止驗天機
猿悲鷓怨因何事
只

謝先生歸寄籍溪胡文及劉恭父二首

先生去上芸香閣
閣老新裁豕角冠
留取幽人卧空谷

川風月要人看

甕牖前頭翠作屏
晚來相對盡儀刑
浮雲一任閑舒卷
萬古青山只麼青

挽范直閣二首

獻納陪興運如公
衆所期憂時最深切
信道不磷緇落落
歸來賦忽忽
殄萃詩苑裘當日
計宰木後人悲

先交多名士存亡幾許人
惟公且彊健於我更情親
出處論心晚音書枉誨頻
素車今日會誰與共傷神

頃以多言害道絕不作詩
兩日讀六字誠意章有

感至日之朝起書此以自箴蓋不得已而有言云
神心洞玄鑒好惡審薰猶云何及自誑閔默還包羞今辰
仲冬節寤歎得隱憂心知一寸光豈彼重泉幽朋來自茲
始群陰邈難留行迷亦已遠及此旋吾輶

仁術

在息賢君子存心每欲仁求端從有術及物豈無因惻隱
來何自虛明覺處真擴充從此念福澤遍斯民入井倉皇
際牽牛轂棘辰向來者楚越今日備吾身

聞善決江河

大舜深山日靈襟保太和一言分善利萬里決江河可欲
非由外惟聰不在它勇如爭赴壑進豈待盈科學海功難

並防川惠益多何人親祖述耳順肯同波

仰思二首

公德明光萬世師從容酬酢更何疑當年不合知何事清
夜端居獨仰思

聖賢事業理難同僭作新題欲自攻王事兼施吾豈敢倘
容思勉議成功

困學二首

舊喜安心苦覓心捐書絕學費追尋困衡此日安無地始
覺從前枉寸陰

困學功夫豈易成斯名獨恐是虛稱傍人莫笑標題誤庸
行庸言實未能

復齋偶題

出入無時是此心豈知雞犬易追尋請看舜上初爻旨便識名齋用意深

示四弟

務學脩身要及時競辰須念隙駒馳清宵白日供遊蕩愁殺堂前老古錐

克已

寶鑑當年照膽寒向來埋沒太無端抵今垢盡明全見還得當年寶鑑看

曾點

春服初成麗景遲步隨流水玩晴漪微吟緩節歸來晚

任輕風拂面吹

伐木

伐木相將入遠山共聽幽鳥語閑閑殷勤若解當時意此日那容不盡歡

春日

勝日尋芳泗水濱無邊光景一時新等閑識得東風面萬紫千紅總是春

春日偶作

聞道西園春色深忘穿芒屨去登臨千葩萬蕊爭紅紫誰識乾坤造化心

觀書有感二首

半畝芳塘一鑑開
天光雲影共徘徊
問渠那得清如許
為有源頭活水來
昨夜江邊春水生
蒙衝巨艦一毛輕
向來枉費推移力
此日中流自在行

題西林院壁二首

觸目風光不易裁
此間何似舞雩臺
病軀若得長無事
春復成詩歲一來

巾屨翛然一鉢囊
何妨且住贊公房
却嫌宴坐觀心處
不柰簷花抵死香

簷豆前有梅花

題西林可師達觀軒

窈窕雲房深復深
層軒俄此快登臨
卷簾一目遙山碧
底

是高人達觀心

再題

紹興庚辰冬予來謁隴西先生退而寓於西林院
惟可師之舍以朝夕往來受教焉閱數月而後去
可師始嘗為一室於其居之左軒其東南以徙倚瞻眺
而今鉉山尉李兄端父名之曰達觀軒蓋取賈子所謂
達人天觀物無不可云者予嘗戲為之詩以示可師既去
而遂忘之壬午春復拜先生於建安而從以來又舍於此者
幾月師不予厭也且欲予書其本末置壁間因取舊詩續之
則歲月逝矣而予心之所至者未尺

寸進焉為之三歎自廢顧師請之勤勤不得辭
於是手書授之而又叙其所以然者如此雖其
詞鄙陋若無足稽然予之往來師門蓋未終也
異時復至又將假館于此仰視屋壁因舊題以
尋歲月而惕然乎其終未有聞也然則是詩之
不沒亦予所以自勵者可師嘗遊諸方問佛法
大意未倦而歸尚有以識予意者二月九日熹
書

古寺重來感慨深小軒仍是舊窺臨向來妙處今遺恨萬
古長空一片心

示西林可師二首

身世年來欲兩忘一春隨意住僧房行逢舊隱低回久綠
樹鶯啼清晝長

幽居四畔只空林啼鳥落花春意深獨宿塵龕無夢寐五
更山月照寒衾

感事書懷十六韻

胡虜何年盛神州遂陸沉翠華棲浙右紫塞僅淮陰志士
憂虞切朝家預備深一朝頒細札三捷便聞音授鉞無遺
筭沈機識聖心東西兵合勢南北怨重尋小却竒還勝窮
凶禍所臨旃裘方舞雪血刃已披襟殘類隨煨燼遺黎脫
斧礮戴商仍夙昔思漢劇謳吟共惜山河固同嗟歲月侵
泉著久憔悴陵陌幸蕭參正尔資群策何妨試盍簪折衝

須舊袞出牧仗南金衆志非難徇天休詎可謔故人司獻
納早晚奉良箴

次韻劉彥采觀雪之句

朔風吹空林眇眇無因依但有西北雲冉冉東南飛須臾
層陰合慘淡周八維凍雨不流淵飛花舞妍姿翳空乍滅
沒散影還參差萬點隨飄零百嘉潛潤滋徘徊暗詠久默
識造化機上寒下必溫欲積無根基漸看谷樹變稍覺叢
篁低浩然遂同色宇宙乃尔奇繁華改新觀凜冽忘前悲
摛章愧佳友佇立迎寒吹感此節物好嘆息今何時當念
長江北鐵馬紛交馳

真彥采病中口占

一榻流年度篝燈遙夜闌短夜閑自擁清鏡莫頻看竹密
初驚雪梅疎却耐寒從今花木夢無復在彫欄

感事

聞說淮南路胡塵滿眼黃棄軀慚國士嘗膽念君王卻敵
非干櫓信威藉紀綱丹心危欲折竚立但彷徨

聞二十八日之報喜而成詩七首

胡馬無端莫四馳漢家元有中興期旃裘喋血淮山寺天
命人心合自知

天驕得意任驅馳太歲乘蛇已應期一夜旄頭光殞地飲
江湖馬未全知

雪擁貂裘一馬馳孤軍左袒事難期奏函夜入明光殿底

事廬兒探得知所報乃御營宿衛官奏故有是句

渡淮諸將已爭馳免脫鷹揚不會期殺盡殘胡方反旆里

閭元未有人知

漢節焚煌直北馳皇家卜世萬年期東京盛德符高祖說

與中原父老知

追鋒聞說日驅馳舊德登庸倘有期張魏公聖主聰明似堯

禹忠邪如許詎難知

恭惟大號久風馳清蹕傳呼却未期此日不須勞玉趾寸

心那得待臣知

次子有聞捷韻四首

神州荆棘欲成林霜露淒涼感聖心故老幾人今好在壺

漿爭聽鼓鼙音

殺氣先歸江上林貔貅百萬想同心明朝滅盡天驕子南

北東西盡好音

孤臣殘疾卧空林不柰憂時一寸心誰遣佳書來華戶真

同百蟄聽雷音

胡命須臾兔走林驕豪無復向來心莫煩王旅追窮寇鶴

唳風聲盡好音

奉陪判院又充父平父兄宿回向用知郡文壁間

舊題之韻

暮雨停驂處僧廬古道邊千峯環傑閣一水下平田行役

無期度經過幾歲年明朝須飽飯躡足上寒煙

感事再用回向壁間舊韻二首

江北傳烽火胡兒大入邊已聞隳列障不但擾屯田借箸
思人傑摧鋒屬少年偷安慙暇食萬竈起愁煙
廊廟憂虞裏風塵慘淡邊早知煩汗馬悔不是留田迷國
嗟誰子和戎悞往年腐儒空感慨無策靜狼煙

蒙判院文示及再用元韻之作率易和呈以求指

誨

疇昔經行地溪山寂寞邊冰霜疑巨壑風雨暗中田古寺
堪投晚塵龕閱紀年論文寒夜永清絕裊爐煙

數日前與判院文有宋村之約雪中有懷奉呈判
院通判二文

雲垂天闊歲將闌一室翛然獨掩關不知風折木開
軒惟見雪漫山玄空杳靄低迷外碧樹龍璫掩映間吟罷
左思招隱句扁舟無路過長灣

次韻判院文雪意之作

端居歲復窮閉戶守冲澹風陰原野悲月黑庭除暗浙瀝
靜先知崩奔誰與探坐想青瑤林寒光生素艷

熹伏蒙判院文垂示用韻喜晴之句率尔奉酬伏

乞笑覽

客枕終難穩歸來軒息深曉雞回遠夢缺月挂空林冰谷
晨加帽晴窗畫解襟詩筒多妙語仍喜舊盟尋

登梅嶺

去路霜威勁，歸程雪意深。往還無幾日，景物變千林。曉磴初移屐，寒雲欲滿襟。玉樹踈半落，猶足慰幽尋。

雪意

向晚浮雲四面平，北風號怒達天明。寒窓一夜清無睡，擬聽杉篁葉上聲。

昨夕不知有雪而晨起四望遠峯皆已變色再用

元韻作兩絕句

朔風吹盡暮雲平，室暖爐紅睡達明。但恠朝來滿山白，不知昨夜打窻聲。
千林無葉一川平，萬壑瓊瑤照夜明。未覺殘梅飄落盡，只愁羌管不成聲。

奉陪彥集充父同游瑞巖謹次莆田使君留題之

韻

踏破千林黃葉堆，林間臺殿鬱崔嵬。谷泉噴薄秋逾響，山翠空濛晝不開。一壑祗今截勝槩，三生曠昔記曾來。解衣正作留連計，未許山靈便卻回。

伏讀趙清獻公瑞巖留題感歎之餘追次元韻

趙公名迹此猶微，已薦行藏第一機。直自當年留翰墨，至

今窮谷尚光輝。時清諫疏空遺藁，歲晚高齋自掩扉。高齋公晚

羊所居每夕獨處一室使人病其外云 珍重九原如何作問渠，何處是真歸。

伏讀二劉公瑞巖留題感事興懷至於隕涕追次

元韻偶成一二篇

誰將健筆寫崖陰想見當年抱膝吟緩帶輕裘成昨夢遺
風餘烈到如今西山爽氣看猶在北闕精誠直自深故壘
近聞新破竹起公無路抵傷心右懷寶學公作近聞西兵
進取闕陝其帥即公舊部

也曲

投紋歸來卧赤城家山無處不經行寒岩解榻夢應好絕
壁題詩語太清陳迹一朝成寂寞靈臺千古自虛明傳采
舊業荒蕪盡慙愧秋原宿草生右懷病翁先生作翁領崇
道有官故有赤城之句

入瑞巖道間得四絕句呈彥集充父二兄

憶昔南游桂樹陰歸來遺恨滿塵襟籃輿此日無窮思萬
壑千岩秋氣深

翩翩一馬兩肩輿路轉秋原十里餘共說前山深更好不

輝迤迤歎禪居

清溪流過碧山頭空水澄鮮一色秋隔斷紅塵三十里白

雲黃葉共悠悠

風高木落晚秋時日暮下林黃葉稀祗有蒼蒼谷中樹歲

寒心事不相違

挽籍溪胡先生二首

夫子生名世窮居幾歲年聖門雖力造美質自天全樂道
初辭幣憂時晚奏篇行藏今已矣心迹故超然

澹泊忘懷久渾淪玩意深簞瓢無改樂山水自知音冊所

遺編在公所定著論注
會義副在秘閣丘原宰樹陰門人封馬鬣寒日共

沾襟

先友多淪謝唯公尚典刑
向來深繾綣猶足慰飄零
喬木摧霜幹長空沒曉星
傷心遽如許孤露轉玲竚

次韻潮州詩六首

濠上齋二首

黃堂理事餘便坐
求茲日語默趣雖殊
晦明心本一舊聞
真體露已歎群疑失
迨此復幾年定知久
純白道若大路然柰此
人好徑即事昧本心
離動覓真靜安知濠
上翁妙入玄中境偶
寄郡齋閑無欲民自
正

閑坐

坐歎無餘事淡然鹿
憲希閑中自怡悅妙
處絕幾微韓子成今
古真師果是非悠然
發孤此千載倘來歸

銷寇

年來揭陽郡牢落海
陰墟雲嶠無幽子
潢池有跽徒單車亦
已稅蔓草不須鉏
比屋絃歌裏功高化
鱷圖

山丹

昔游嶺海間幾見
蠻卉拆素英溥夕
露未藹爛晴日歸
來今幾年晤對祇寒
碧因君賦山丹悅復
見顏色

山居即事用

豐翠亭韻

世情日以疎庭樹日
以密我心自悠悠
兩忘喧與寂門開
山疊翠雨罷雲絕迹
天涯此興同萬里
寄消息

東舍姪

回頭別子時歲月劇
回風雨老大無所成
慙歎中夜舞長鏤

足呻吟短褐極褻縷士人不可期炯炯心獨苦

夏日齋居得湖州詩卷味歎之餘用卒章之韻以

紀其事

孟夏氣淑清窓戶有佳帙委素縹渺香橫碧吸郡妙語寄遠翼咏嘆不

色卧聞幽籟翻轉覺林景寂參差我有餘權要冠非所職故人海邊待聞超然見骨臆

壽母生朝

下六

自附見於此

秋風蕭爽天氣涼此日顏綠髮雙瞳方家貧兒十日九不煬豈辨其脆心久已忘一笑謂汝庸

何日升斯堂堂中老人壽而康紅髮但深藏五年不出門庭荒竈煙不盡觴低頭包羞汗如漿老人此心傷人間榮耀豈可常惟有道義

思無疆勉勵汝節弥堅剛熹前再拜謝阿娘自古作善天降祥但願年年似今日老萊母子俱徜徉

又二首

敬為生朝舉一觴短歌歌罷意偏長願言壽考宜孫子綠髮朱顏樂未央

陰澹園林歲欲霜性來和氣滿中堂要知積善功夫巧變得人間作壽鄉

又二首

昨夜秋風涼氣掃今朝喜色動簾幃細斟漱滌新春酒戲舞斑斕舊綠衣願上龜蓮千歲壽永令鳧藻一家肥也知厚德天應報更說陰功世所希

暑退秋容欲凜然北堂佳氣倍澄鮮舊痾已向新涼失壽
骨應隨爽籟堅塵外光陰那有盡尊前風月浩無邊癡兒
六六今如許慚媿西河不老仙
仙人昔住紫琳房一旦翩然下大荒久悟客塵無自性故
應福祿未渠央徙居邂逅成嘉遯捧檄因循愧漫郎願借
寒潭千丈碧年年此日奉華觴

又一首

竹栢交柯庭院清西風不動翠簾旌高堂正喜新涼入樂
事仍逢壽筭傾盡室丹衷歸善禱滿頭綠髮定重生年年
此日歡娛意更願時豐樂太平

丁丑冬在溫陵陪敦宗季丈與一二道人同和東

坡惠州梅花詩皆一再在反昨日見梅追省前事
忽忽五年舊詩不復可記憶再和一篇呈諸友兄

一笑同賦

江梅欲破江南村無人解與招芳魂朔雲為斷蜂蝶信凍
雨一洗煙塵昏天憐絕艷世無二故遣寂寞依山園自欣
羌笛娛夜求未要邛律回春溫連娟窺水墮殘月的樂泣
露晞晨暎海山清游記玉面衰病此日空柴門相逢不敢
話曠昔能賦豈必皆成言雕鑄肝腎竟何益况復制酒哦
空樽

歲晚燕集以梅花已判隔年開分韻賦詩得已字
陽衍文氣昏日暮悲風起晤言欲誰從斗酒會隣里盤餐

之珎脆肴核闕儲峙無以奉嘉賓餅罄亦可恥所賴數子
賢深睠不余鄙夜闌更促席燈火共歡喜酣歌氣激烈
句韻清美衰懶愧英游歲晚情何已

卓國大生朝

鳳凰山下鳳凰城十載重来雙眼明騰喜故人頻獻納足
知賢母外榮名生朝舉酒天香裏賤子當歌魯頌聲問訊
豪眉今幾許年年此日

照人清

又一首

玄冬周四運肅氣驅煩喧至此貞秀質德美難具論魏魏
北堂高福履神所敷晨昏極榮養夙昔蒙天恩明年啓國
封屈狄文魚軒班衣結紫綬玉樹承金尊懽娛何所忘千
載如飛奔惟應玄中趣眇眇自本根洗心河漢津入此無
窮門超然謝衆甫永與天壤存

社後一日作

聖作重品節等殺古所詳里有秦社稷僭差遂無章王綱
諒已墮精意尚不忘尚論千載前簡編有遺芳侃侃陳瑞
子恂恂萬春鄉敬恭事耆老禱養謹田桑悠悠我里居歲
事有故常向來諸老翁博庵亦端莊交神度或享與物同
樂康今我胡不樂悵然下頽岡古人不可見今人自猖狂

三月二日祀事畢因脩楔事于靈梵以高閣一長

望分韻賦詩得一字

逝川無停波歲月一何疾居然雨露濡我意日蕭瑟共惟

西山足宰樹久蒙密晤言起哀敬時事該禮律肴羞既分
羅薦饋亦芳苾周旋極悽愴悅仰詎終畢更不適精舍鄰
曲會茲日簋黍昇輝胞從容罄膏腴嘉賓更盤礴環堵窺
逸筆即事君獨哦非才我何述矧茲衰病餘苦畏煩慮忪
賦罷掩寒棲存存常抱一

夏日二首

端居倦時暑竟日掩柴門窻風遠颺至竹樹清陰繁靜有
圖史樂寂無車馬喧茲焉愜所尚難與世人論
季夏園木暗窻戶貯清陰長風一掩扉衆綠何蕭摻玩此
消永晝泠然滌幽襟俯仰無所為聊復得此心

汲清泉漬竒石置熏爐其後香烟被之江山雲物

居然有萬里趣因作四小詩

晴葱出寸碧倒影媚中川雲氣一吞吐湖江心渺然
一水渺空闊羣山中接連寒陰白霧湧飛度碧峯前
隱几對寒碧忘言心自閑豈知宜寂士滅跡青峯間杜詩
滅迹若山湖上之青峯

吟餘忽自笑老矣方好弄慨然思古人尺璧寸陰重

偶題三首

門外青山翠紫堆幅巾終日面崔嵬只看雲漸成飛雨不
道雲從底處來

擘開蒼峽吼奔雷萬斛飛泉湧出來斷梗枯槎無泊處一
川寒碧自縈回

步隨流水真溪源行到源頭却惘然始悟真源行不到倚
筇隨處弄潺湲

次張彥輔韻

風霜歲云徂塵事昧雙目故人書鼎來照眼一連玉把玩
不知疲日宴坐空腹卷箴十襲祕寒光夜穿櫝嗟予骯髒
姿十駕不能速立壑聊自娛簞瓢亦云足君侯湖海士逸
氣謝追逐胡為不予鄙乃肯顧林谷高軒緩前期清夢遶
雙竹起將杜陵句寫寄玉川屋我窮詩未工最覺貂難續
感君懇勤意吟苦屢更燭群公饒藻思裂牋動盈束歷險
正摧輶爭先俄擊轂低回欲引避悵望曷歸宿出叻竟無
竒疆顏終自西北風催歲年兩鬢失新綠樊生念學稼曹

子悲食粟死灰寧復然寡過良所欲耿耿自知明何勞詹
尹卜

次張彥輔賞梅韻

朔風萬里開雲屏清霜夜墜朝景晴南枝浩蕩正春色凍
藥的皪含空明花邊偶對青銅鏡槁項不堪冰雪映擁爐
獨坐只悲吟振策出遊舒遠興暗香何處時一飄行行復
值最長條仰頭欲折渺誰贈滿意相思那得邀極知異縣
淹行李心賞未甘輕付畀石雄賦罷不相聞秀野書來因
舉似兩翁句法爭新奇畫出踈影流寒漪幽探自出塵境
外勝槩未許兒曹知祇今嚼蘂攀條處它日重來記前度
風臺月觀悄無言玉笛冰灘索同賦嗟予衰懶倦將迎過

眼紛紛無復情尚喜踈英窺水白更憐落片點苔青興來
亂插飛蓬首擬向君家醉君酒酒酣耳熱莫狂歌布鼓雷
門湏縮手

借韻呈府判張丈既以奉箴且求教藥

一生江海迫無疇材大應容小未周景好身閑真復樂酒
酣耳熱却堪憂飛騰莫羨摩天鵠純熟須參露地牛我亦
醒狂多忤物頗能還贈一言不

家山堂晚照效輞川體作二首

夕陽浮遠空西峯背殘照爽氣轉分明與君共晚眺
山外夕嵐明山前空翠滴日暮無與期閑來岸輕幘

即事有懷寄彥輔仲宗二兄二首

一水方涵碧千林已變紅農收爭暖日老病怯高風徒倚
非無計心期莫與同向來歡會處離合太匆匆
聞說雙飛葉翩然下廣津江湖知子樂魚鳥諒情親淹速
湏閉命行藏不繫人三山雖好在惜取自由身

次知府府判二丈韻三首

兩公清廟瑟窈窕拂朱絲事紀一朝勝名從千古垂流傳
當共賦惆悵不同時且要君頤解寧辯匡說時

憶昨中秋夕寒盟約重尋慢亭權舉酒江閣快論心月墮

俱忘起轉空始罷斟祗今千嶺隔悵望一何深武夷之遊

元履子厚及熹與焉江閣之集子衡後具
知府文亦賜臨屈此詩併簡同會諸公云

志士懷鞞略奇兵吼鏜干闕河那得往肝膽不勝寒壯節

悲如許雄圖渺未闡皇輿方及席陋巷敢求安得浙中知
上留意武備諸郡練率皆點
名閱武賜發有加戎士感奮

巢居之集以中有學仙侶吹簫弄明月為韻探策
賦之而熹得中字遂誤為諸君所推高俾專主約
既而賦詩者頗失期於是令最後者具主禮以當
罰乃稍集獨敦夫圭甫違令後至衆白罰如約飲
罷以蒼茫雲海路歲晚將無獲分韻熹得將字而
子衡兄得蒼字實代熹出令

一昨樓上飲所歡不可忘群公各賦詩佩玉何鏘鏘二子
朱絲絃掩抑獨巨量經營久不作一奏聲滿堂巧遲未足
多譴負先取償主盟謬夙推否德愧莫當茲焉不舉法何

以存令章劉子具盤食魏子輸壺漿悠然復一醉歸路相
扶將

昨承諸兄臨辱不揆以薄酒蔬食延駐都騎明日
視壁間所張墨刻有亡去者人以為德慶丈之瘦
也馳問遣索蒙需拙詩輒賦所懷往奉一笑而尊
捷刻可以歸於我矣

歲暮霜霰集賓友從我游置酒臨高齋暢酌晏獻酬雞黍
壘中庖肴核供庶羞所恨乏珎肥懽意不得周何悟上客
懷從我夜壑舟平明但素壁篆刻不可求究索勞象罔高
蹤希盜丘我亦慚仲子獨未忘輕裘

昨以詩徵亡碑於四十一丈既蒙酬和而諸兄亦

繼作焉聯為巨編藏之巾笥雖所亡古刻不可復
得而此之所獲則已多矣顧其中猶有不能釋然
者因念吾子厚隸法妙古人當為我大書偉辭於
壁庶以焜耀區區之望彼死鬼之陳迹其存亡蓋
不足為重輕也次韻見意云

端居感物化悵恨不出游賦詩往追亡顧得雜佩酬結綬
光陸離緼袍非所羞終然抱耿耿尼父悲東周淒涼尊捷
崖望想滄浪舟低徊不得去寂寞將焉求安知崔蔡徒考
槃共斯丘為我揮素壁報君當紫裘少陵詩紫裘隨劔几
義取無虛歲謂李邕

受潤
筆資

再賦鮮嘲

宇宙一瞬息人生等浮游云何百年內萬變紛相酬顛倒
不自知旁觀乃堪羞拱揖尚虞夏干戈到商周豈悟曠士
懷泛若不繫舟駟馬諒弗視名高非所求彼哉夸奪子逝
矣崑崙丘褰裳絕冥外天風舞雲裘熹受碑于其父以禮
讓四十一丈取之於
熹則有慙德矣
故有商周之語

題祝生畫呈裴丈二首

近代丹青手心期良獨難夫君偏有思妙趣却無端堂上
三湘遠人間五月寒空囊惟有此不用一錢看
斗酒淋漓後顛狂不作難千峯俄紙上萬景忽豪端石瘦
岡空古林深煙雨寒蒼茫無限意俗眼若為看

挽延平李先生三首

河洛傳心後毫釐復易差淫辭方眩俗夫子獨名家本末
初無二存存自不邪誰知經濟業零落舊煙霞
聞道無餘事窮居不計年簞瓢渾漫興風月自悠然灑落
灑溪句從容洛社篇平生行樂地今日但新阡
岐路方南北師門數仞高一言資善誘十載笑徒勞斬枝
今來此懷經痛所遭有疑無與析揮淚首頻搔

用西林舊韻二首

一自籃輿去不回故山空磴舊池臺傷心觸目經行處幾
度親陪杖屨來
上疏歸來空早囊未妨随意宿僧房舊題歲月那堪數慙
愧平生一瓣香

考異

次韻呂少衛藏書簡

茂樹一作幾樹

次祝澤之韻

靜室

一作淨室

九日山夜泛舟

轉空

一作漾空

情何

一作清何

秋生

一作秋來

教思堂作

橫舍

一作翼舍

示諸同志

餘清

一作餘情

示四弟

一作休日

兀坐

一作默坐

心悠

一作真悠

還家即事

互翻

一作共翻

悵然

一作快然

獨掩

一作扃掩

題囊山寺

蒼茫

一作蒼黃

題可老所藏畫卷

羣峯

一作羣山

詣水公庵雨作 雲起 一作雲氣

謝人送蘭 厚意 一作晤歡

寄題梅川溪堂 人言 一作今古

再和刘抱一 猶尋 一作獨尋

復齋偶題 豈知 一作豈如

示四弟 清宵 一作清陰 遊蕩 一作遨蕩 堂前 一作堂頭

春日偶作 色深 一作已深

觀書有感 一作雜詩 問渠那得清如許 一作惟來漱

江邊 一作絕句 枉費 一作幾費

感書事懷 聞音 一作同音 共惜 一作共措

聞二十八日之報 忠邪 一作羣臣 恭惟 一作恭舉

次子有開捷 不柰 一作無柰

感事 江北傳烽火 一作烽火傳江北 推鋒 一作推鋒

暇食 一作飽食 留田 一作屯田

登梅嶺 玉梅 一作野梅

雪意 浮雲 一作愁雲 達天 一作徹天

讀二劉公瑞巖留題 慙愧 一作悵望

瑞巖絕句 風高 一作霜清 黃葉 一作紅葉

東舍姪 一作東令姪

再和東坡惠州梅花詩 記玉 一作識玉

卓國太生廟 所忘 一作所至

社後一日作 耆老 一作耆年 惇庵 一作淳庵

靈梵分韻

蕭索

一作蕭瑟

夏日

永晝

一作永日

汲清泉作

湖江

一作湖口

偶題

青山

一作南山

家山堂晚照

與君共

一作為君供

次知府府判韻

約重

一作得重

朱子大全卷之二

